

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiunneqarpoq:

Siunnersuut: 2016-imi Arctic Winter Gamesimik Kalaallit Nunaata aaqqissuisuunissaa aammalu 2013-imut aningaasanut inatsimmi ukiunilu missingersuusiortarfiusuni tassunga aningaasanik immikkoortitsisoqarnissaa pillugit Inatsisartut akuersinissaannik aalajangiiffigisassaatus siunnersuut
(Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoq)

Tunngavilersuut:

Arctic Winter Games International Committee-mut (AWGIC) isumaqatigiissut Ilaqutariinnermut, Kultureqarnermut Ilageeqarnermut Naligiissitaanermullu Naalakkersuisup atsiorpaa pisortat akuersisartut akuersinissaannut nangaassutilimmik.

Arctic Winter Gamesip (AWG) ingerlanneqarneranut atatillugu tulleriissaarisarnermik aaqqissuussineq nutaaq AWGIC aalajangigaa Kalaallit Nunaata 2010-mi akueraa. Aaqqissuussineq taanna malillugu Kalaallit Nunaat 2016-imi AWG-mik aaqqissuussisuussaaq.

Kalaallit Nunaata aaqqissuussisuunissaa aamma AWG 2016-ip Nuummi ingerlanneqarnissaa siunertaralugit Kommuneqarfik Sermersooq, Kalaallit Nunaanni Namminersorlutik Oqartussat aamma AWGIC ulloq 30. juni 2010 isumaqatigiissummik atsiorpup. Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik Kommuneqarfik Sermersooq suleqatigalugu AWG 2016-ip ingerlanneqarnissaa pillugu AWGIC-mut siunnersuummik ("bid proposal") nassitsivoq.

Kommuneqarfik Sermersooq aamma Nunavut Iqaluillu isumaqatigiiffigineqarput ishockeymik ingerlatsinerit Iqalunni ingerlanneqassasut, tamannalu pillugu kingusinnerusukkut isumaqatigiissusiortoqassasoq. Tassunga aningaasartuutissat sulii inissivinneqarnikuunngillat.

Missingersuusiortarnermut inatsit naapertorlugu Naalakkersuisut taamaallaat ukiumut aningaasat atorneqarsinnaasut iluini atugaqarsinnaappup. Ukiunut arlalinnut aningaasanik atugassanik inissitsiterinermi oqaasertaliussami tunngaveqarnissaq pisariaqarpoq, soorlu ilaatigut tamanna tunngavigineqartoq ukiuni arlalinni kiffartuussinermik isumaqatigiissutiliornermi. Aaqqissuussisuunermili piffissami 2012-16 aningaasartuutit akilerneqarnissaat pillugu Inatsisartut aalajangiinikuunngillat. AI 2012-imi kontomi pingarnermi 30.19.20-mi aamma oqaaseqaatitaqanngilaq aningaasartuutissanut tunngavissiisumik. Aaqqissuussisuunissaq pillugu inaarutaasumik isumaqatigiissummik atsiornissami taamaammat naatsorsuutigineqartariaqarpoq Inatsisartut UPA 2012-imi tamatuminna akuersinissaat.

Tamatuma kingorna ukiuni arlalinni taamatut atugaqarsinnaanermi AI 2013-mut tunngavittut ilanngunneqassaaq.

Aningaasatigut kingunerisinnaasai

Missingersuummi Nunatsinniit siunnersuutigineqartumi ("bid proposal") timersortartut 1300-t, dommerit kulturimik ingerlatsisut tusagassiortullu 340-t, inuit immikkut pingaarutillit (VIP) 100-t piumassutsiminnillu sulisut 1300-t aallaavigineqarput.

AWG 2016-ip ingerlannissaanut missingersuutit 44,5 mio. kr.-inik annertussusilerneqarput. Aningaasartuutit Namminersorlutik Oqartussat Kommuneqarfik Sermersuullu aveqatigiissavaat, taamaalilluni Namminersorlutik Oqartussat AWG 2016-imi ingerlanneranut aningaasartuutai katillugit 22,3 mio. kr.-iussallutik. Aningaasartuutissat nikerartarsinnaapput Iqalunni sukuutsernerit ingerlannissaat suli nalornissutigineqarneri sillimaaffigineqartariaqarmata.

Namminersorlutik Oqartussat Kommuneqarfik Sermersuullu AWG-mut aningaasartuutissat ilarpassui tapiisartunit matussuserneqarnissaat sulissutigissavaat. AWG-p ingerlanneqarnerani sapinngisaq tamaat naapertorlugu aaqquussinermi tapiisartunit annertunerusumik aaqquussinermut tapiisoqarnissaa sulissutigineqassaaq, makku ilanngullugit: Suliffeqarfinnit sullissinerit, nammineq kajumissuseq tunngavigalugu sulisut, tunniussassanik neqeroorutit, kiisalu toqqaannartumik aaqquussinermut tapiissuteqarnerit.

Aningaasarsiornikkut allaffissornikkullu innuttaasunut kingunerisinnaasai

Siunnersuut innuttaasunut aningaasartuuteqarnikkut allaffissornikkullu kinguneqartussaangilaq.

Aningaasarsiornikkut allaffissornikkullu namminersorlutik inuutissarsiuteqartunut kingunerisinnaasai

Namminersorlutik inuutissarsiuteqartunut AWG-p ingerlanneqarnera pitsaasumik kinguneqarnissaa naatsorsuutigineqarpoq.

Siunnersuutip Inatsisartunit inussiarnersumik oqaluuserineqarnissaa kissaatiginarpoq.